

兩  
浙  
名  
賢  
錄

兩浙名賢錄卷五十目次

列女

周

越王夫人

楚昭王越姬

漢

曹盱女娥

吳計昇妻呂榮

三國吳

孫破虜吳夫人

徐琨母孫夫人

孫翊妻徐氏

張白妻陸鬱生

晉

虞潭母孫氏

張茂妻陸氏

王凝之妻謝氏

孫晷妻虞氏

公孫夫人

浣紗女

宋齊梁陳

陳婺妻

羊緝之女

屠氏女

隋

永樂郡君許母范氏

杜氏二女

唐

太宗賢妃徐惠

盧氏女

馮孝女

莫氏婦何

五代

吳越國太夫人吳氏

忠懿王妃孫氏

宋

倪夢應妻孟氏

李棊妻張氏

莫子純母虞氏

陳氏女

朱罔女娥

凌大淵妻劉氏

岑斌妻玉氏

陳氏女

劉安世母石氏

夏孝女

曾小娥

章俱妻應氏

奴周氏附

史簡妻葉氏

章瓊妻盛氏

奴潘氏附

石公岩女

杜氏女

王木叔妻何氏

陳氏長女

姜綬妻陸氏

柳氏二節婦

楊由義母譙氏

薛震惠妻尹氏

徐師顏二女

呂瓊妻石氏

王貞婦

元一

孟之縉妻趙氏

女奴朶那

樂孫壽妻劉氏

姚氏

邵氏婦沈氏

畏吾氏三女

周璵妻朱氏

周羅貞甫

杜思綱妻陶氏

妹宗媛弟頰王淑附

李如忠妻馮氏

陳紹庭妻汪氏

陳自中女婢

郭氏

洪氏

徐允讓妻潘氏

丁烈頰王氏

張正蒙妻韓氏

女池叔  
趙叔附

張敘賓妻祝氏

湯輝妻張氏

馬氏女淑

葉伯現妻王氏

葉媛新  
葵附

楊伯妻王氏

湯綺

王文榮妻張氏

周婦毛氏

韓孚妻黃氏

周如砥女

傅賀妻陳氏

吳履妻謝氏

黃福妻蕭氏

趙宜震妻郭氏

陳孝女

高義婦

陳彥道妻胡氏

吳璟妻林氏

楊敏妻齊氏

楊至戴妻黃氏

徐伯龍妻夏氏

祝氏婦胡妙端

童老安人周氏

翁氏婦

弟忠附

金彥敬母梅氏

葉杭妻王氏

俞溥妻童氏

曹處女

趙良朝女

楊進佳妻劉氏

兩浙名賢錄卷五十目次終



兩浙名賢錄卷之五十

東海徐象梅仲和氏謨

鹽官馮玉鳳宣士氏闕

列女

周

共二人

越王句踐夫人

越王句踐夫人不知何氏女王入臣於吳夫人爲妾、  
臣遂別於浙江之上夫人乃據船哭、顧鳥鵲啄江濱之  
蝦、飛去復來、因哭而歌之曰、仰飛鳥兮爲鵲、凌玄虛兮

翩翩集洲渚兮優恣啄蝦蟇。翩翩兮雲間任厥遊兮往還。  
妾無罪兮負地有何辜兮。譴天驅驅獨兮西往孰知返。  
今何年心惓惓兮若割。淚泫泫兮雙懸。越王聞夫人怨。  
歌心中內慟。乃曰孤何憂吾之六翩備矣。於是入吳。已。  
而夫人從王居吳石室。越王服犢鼻着焦頭。夫人衣無。  
緣之裳。施左關之襦。夫斫養馬。妻給水除糞。灑掃三。  
年不愠怒。面無恨色。夫人與王坐馬糞之傍。而夫婦之。  
儀具具。王登遠臺望見傷之。敕令還國。越王旣歸國。十。  
年生聚。十年教養。乃召八大夫謀。與師伐吳。敕令旣行。

乃入命於夫人。王背屏，夫人面屏而立。王曰：「自今日之後，內政無出，外政無入，各守其職，以盡其信。」吾見子於是，以爲明誠矣。王出宮，夫人送王，不過屏。王因反闔其門，填之以土。夫人去笄，側席而坐，安心無容。三月不掃。越王卒，滅吳。以伯者，雖八大夫之謀，亦夫人克修內政之力也。

### 楚昭王越姬

楚昭王，越姬。越王句踐之女也。昭王燕游，蔡姬在左，越姬在右。王親乘駟以馳逐，遂登附社之臺，以望雲夢之

固、觀士大夫逐者，既惟顧蔡姬曰：「吾願與子生，若此死。」又若此。蔡姬曰：「諾。」王命史書之，乃復謂越姬。越姬對曰：「昔先君莊王淫樂三年，不聽政，終而能改，卒伯天下。妾以王爲能法先君，將改斯樂而勤於政，今則不然而要婢子以死。」妾聞之，諸姑、婦人以死彰君之善，不聞以苟從其闇死而榮。妾不敢罔命。王寤，敬越姬之言，而猶嬖蔡姬也。居二十五年，王救陳，二姬從。王病在軍中，有赤雲夾日如飛鳥。王問周史，史曰：「是害王身，然可移於將相將相聞之，請以身禱。」王曰：「將相之於孤猶股肱也，今

移禍焉庸爲去是身乎不聽越姬曰大哉君王之德以  
是妾願從王矣昔日之游淫樂也是以不敢許及王復  
於禮國人皆將爲王死而況於妾乎請願先驅狐狸於  
地下王曰昔吾戲耳若將必死是彰孤之不德也越姬  
曰昔妾雖口不言心旣許之矣信者不負其心義者不  
虛設其事妾死王之義不死王之好也遂自殺王薨蔡  
姬竟不能死王弟子閭與子西子期謀曰信者子必  
仁乃伏師闔壁迎越姬之子熊章立是爲惠王

漢 共二人

曹盱女娥

曹娥上虞人。父盱能撫節按歌。婆娑樂神。漢安二年五月。迎伍君。逆濤而上。爲水所淹。不得其屍。時娥年十四。乃沿江號哭。晝夜不絕聲。旬有七日。投衣於水。祝曰。父屍所在。衣當沉。衣隨流至一處而沉。娥遂隨衣而沒。經五日。負父屍出。元嘉元年。上虞長度尚改葬娥於江南道傍。爲立碑。屬魏朗作文。久之未就。時尚弟子邯鄲淳年二十。聰明才瞻。而未知名。乃令作之。揮筆立就。其詞甚美。蔡邕聞之。來觀。值夜。以手摸其文。而讀之。題曰黃

絹幼婦外孫。蓋曰。又曰。三百年後碑當墮。欲墮不墮。遇王巨碑。有王右軍所書小字。新定吳茂先嘗刻於廟中。後爲好事者持去。

吳計昇妻呂榮

呂榮由奉人。吳計昇妻。昇少爲博徒。不理操行。榮躬勤紡績以養姑嫜。數勸昇修學。昇有不善。輒流涕進規。榮父積忿。昇呼榮欲改適焉。榮曰。命之所遭。義無離貳。終不肯歸。昇感激。自勵。迺尋師遠學。遂以成名。尋被本州辟。命行至壽春。爲盜所害。刺史尹耀捕盜得之。榮迎喪。

於路詣州請甘心仇人榮乃手斷其頭哭祭昇柩巨族  
多欲聘之誓不再嫁黃巾賊陳寶欲犯之榮執節不聽  
踰垣而走寶拔刀追之曰從我則生不從則死榮曰義  
不以身受辱遂被殺頃臾疾風暴雨雷電晦冥寶懼叩  
頭謝罪請爲殯葬風雷始息吳郡太守廉豹聞榮高節  
遣主簿祭又出錢助縣爲冢於由拳郭里墟北名吳義  
婦墳

三國吳

共四人

孫破虜吳夫人



孫破虜吳夫人。吳主權母也。錢塘人。早失父母。與弟景  
居。孫堅聞其才貌。欲娶之。吳氏親戚嫌堅輕狡。將拒焉。  
堅甚以慙恨。夫人謂親戚曰。何愛一女。以取禍乎。如有  
不遇命也。遂結婚。未幾而孕。夢月入其懷。既而生。策及  
權在孕。又夢日入其懷。夫人以告堅。堅曰。日月者。陰陽  
之精。極貴之象。吾子孫其興乎。及策平定江南。志陵中  
夏士之賢者多歸之。時功曹魏騰以迂意見譴將殺之。  
士大夫憂恐。計無所出。夫人乃倚大井而謂策曰。汝新  
造江南。其事未集。方當優賢禮士。捨過錄功。魏功曹在

公盡規汝。今日殺之。則明日人皆畔汝。吾不忍見禍之及當先按此井中耳。策太驚。遽釋騰。及權年少統業。夫人助治軍國。甚有補益。建安七年。操下書責權。任子。權遣周瑜詣夫人前定議。瑜曰。今將軍承父兄之資。六郡之衆。兵精糧足。將士用命。鑄山煮海。境內富饒。人不思亂。士風勁勇。所向無敵。有何逼迫而欲送質。夫人曰。公瑾議是也。公瑾與伯符同年小一月耳。我親之如子也。汝其兄事之。遂不送質。臨薨。引見張昭等。囑以後事。合葬高陵。

孫琨母孫夫人

孫夫人破虜將軍堅之妹丹陽太守琨之母也琨父真與堅相親堅以妹妻真而生琨琨少仕州郡漢末擾亂去吏隨堅征伐有功拜偏將軍堅薨隨策擊張英於當利口船少欲駐軍更求琨母時在軍中謂琨曰恐州家多發水軍來逆人則不利矣如何可駐耶宜伐蘆葦以爲泚佐船渡軍琨具啟策策卽行之衆俱濟遂破英事業克定策表現領丹陽太守

孫翊妻徐氏

徐氏孫翊妻也。貌美而善卜筮。翊爲丹陽太守時。嬖覽戴員親近邊洪等。數爲翊所困。常欲叛逆。時諸縣令長並會見翊。翊入語徐曰。吾明日欲爲長吏作主人。卿試卜之。徐言卦不能佳。可須異日。翊以長吏來久。宜速遣。乃大請賓客。翊出入常持刀。爾時有酒空。手送客。洪從後砍翊。郡中擾亂。無救。翊者遂爲洪所殺。迸走入山。徐氏購募追捕中宿。乃得覽員歸罪。殺洪諸將。皆知覽員所爲。而力不能討。覽入居軍府中。悉取翊嬖妾及左右侍御。欲褻取徐。恐逆之見害。乃紿之曰。乞須晦日設祭。

除服時月垂竟。覽聽須臾。祭畢。徐潛使親信語翊。故親近舊將孫高傳。嬰等說覽已虜略婢妾。今又欲見倡。所以外許之者。欲安其意。以免禍耳。欲立微計。願二君哀救。高嬰涕泣答言。受府君恩遇。所以不卽死難者。以死無益。欲思惟事計。事計未立。未敢啟夫人耳。今日之事實夙夜所懷也。乃密呼翊時侍養者二十餘人。以徐意語之。共盟誓。合謀。到晦日。設祭。徐氏哭泣盡哀畢。乃除服。薰香沐浴。更於他室。安施幃帳。言笑惟悅。示無戚容。覽密覘視。無復疑意。徐呼高嬰與諸婢。羈住戶內。使人報

覽說以除凶卽吉。惟府君勅命覽盛意人徐出戶拜覽。適得一拜。徐便大呼。二君可起。高嬰俱出。共得殺覽。餘人卽就外殺員。夫人乃還。衰經奉覽員首以祭。翊墓舉軍震駭。以爲神異。吳主續至。悉族誅覽員餘黨。擢高嬰爲牙門。其餘皆加賜金帛。殊其門戶。

張白妻陸鬱生

陸鬱生海鹽人。父績爲鬱林太守時生。故名鬱生。年十三。適張溫弟白甫。三月而白遭家難。請死異郡。鬱生誓不再嫁。以苦節終。姚信集有表稱之曰。臣聞王蠋建寒。

松之節而齊王表其里義姑立殊絕之格而魯侯高其  
門臣切見故鬱林太守陸績女子鬱生少履貞特之行  
幼立匪石之節年始十三適同郡張白侍廟三月婦禮  
未卒白遭罹家禍遷死異郡鬱生抗聲昭節義形於色  
冠蓋交橫誓而不許奉白姊妹爰囑之中蹈履水火志  
懷霜雪義心固於金石體信貫於神明送終以禮邦士  
慕則臣聞昭德以行顯行以爵苟非名爵則勸善不嚴  
故士之有誄魯人志其勇杞婦見書齊人哀其哭乞蒙  
聖朝斟酌前訓上開天聽下垂坤厚褒鬱生以義姑之

號以厲兩髦之節。則皇風穆暢。士女攸觀矣。

晉 共六人

虞潭母孫氏

虞潭母孫氏。吳郡富春人。孫權族孫女也。初適潭父忠。恭順貞和。甚有婦德。及忠亡。遺孤藐爾。孫氏雖少。誓不改節。躬自撫養。劬勞備至。性聰敏。識鑒過人。潭始自幼童。便訓以忠義。故得聲望。允洽。爲朝廷所稱。永嘉末。潭爲南康太守。值杜弢構逆。率衆討之。孫氏勉潭以必死之義。盡傾其貲產。以饒戰士。潭遂尅捷。及蕞峻作亂。潭



時守吳興。又假節征峻。孫氏戒之曰。吾聞忠臣出孝子之門。汝當捨生取義。勿以吾老爲累也。仍盡發其家產。令隨潭助戰。賁其所服環佩以佐軍資。於時會稽內史王舒遣子允之爲督護。孫氏又謂潭曰。王府君遣兒征汝。何爲獨不。潭卽以子爲督護。與允之合勢。累功拜武昌侯太夫人。加金章紫綬。潭立養堂於家。王導以下皆就拜謁。咸和末卒。年九十五。成帝遣使吊祭。謚曰定夫人。

張茂妻陸氏

張茂妻陸氏吳郡海鹽人也茂爲吳郡太守被沈克所害陸氏傾家產率茂部曲爲先登以討克克敗陸詣關上書爲茂謝不克之責詔曰茂夫妻忠誠舉門義烈宜追贈茂太僕

王凝之妻謝氏

王凝之妻謝氏字道蘊安西將軍奕之女也聰識有才辯叔父安嘗問毛詩何句最佳道蘊稱吉甫作頌穆如清風安謂有雅人深致安嘗內集俄而雪下安欣然曰白雪紛紛何所似兄子朗曰撒鹽空中差可擬道蘊曰

未若柳絮因風起。安大笑樂。及遭孫恩之難。舉厝自若。  
既聞夫及諸子已爲賊所害。方命婢肩輿。抽刃出門。賊  
兵稍至。手殺數人。乃被擄。外孫劉濟時年數歲。賊欲害  
之。道蘊曰。事在王門。何關他族。必其如此。寧先見殺。屈  
雖毒虐。爲之改容。乃不害濟。自爾嬖居會稽家中。莫不  
嚴肅。初同郡張玄姝亦有才賢。適於顧氏。玄每稱之以  
敵道蘊。有濟尼者。游於二家。或問之。濟尼答曰。王夫人  
神情散朗。故有林下風氣。顧家婦清心玉映。自是閨中之  
秀。道蘊所著詩賦誄頌。並傳於世。

孫啓妻虞氏

孫啓妻虞氏。餘姚虞預女也。預與兄喜並有高名。世家  
多求預女。預不許。啓字文慶。家富春。年少孝友。世家亦  
多願妻啓。而啓亦皆無所許。啓心竊慕喜兄弟。於是聘  
預女。女家奕世富貴。裝遣甚富。啓處家子而嘗布衣。踵  
食躬耕。畝畝女之歸也。其父叔戒之曰。弃華從質。以讓  
夫子。於是女乃奉父之教。甘淡薄。躬辛苦。啓甚安之。機  
與耕織。以給衣食。事親讀書。怡然自樂。君子以爲可也。

公孫夫人

公孫夫人。列人失其夫姓氏。夫人以節操聞。鈕滔母。惡  
氏爲作序贊。序曰。資三靈之淳懿。誕華宗之澄粹。奇朗  
光乎醴醕。四教成於弱笄。慈恩溫恭。行有秋霜之潔。祇  
心制節。性同青春之和。敦悅憲章。動遵規禮。居室則道。  
尚師氏有行。則德配女儀。禮服有盈。簋豆無缺。贊曰。猗  
歟夫人。天資特挺。行高氷潔。操與霜整。性揚蘭芳。德振  
玉頰。猗彼瓊林。奇翰有集。展彼碩媛。令德來輯。動與禮  
游。靜以義立。

浣紗女

浣紗女永嘉人。居蜃川。莫知其姓名。家貧。踰笄不嫁。事母至孝。常紡績爲養。人每見其夜浣紗。而且成布。易以供母及母卒。遂抱石自沉於水中。里人爲立祠。并建浣紗坊以表之。

宋齊梁陳 共三人

陳妻妻

陳妻妻剡人。少與二子寡居。好飲菰。宅常有古聚。每飲先祀之。二子欲掘去。母禁而止。夢一人曰。吾止此三百

餘年賴相保護。又饗吾佳茗。雖潛壞朽骨。豈忘翳桑之報。及曉於庭內。獲錢十萬。陳年九十餘終。

羊緝之女

羊氏名佩紅。烏程羊緝之女。年十四。隨母歸寧舅氏。姪忽得暴疾死。女晝夜號哭。不飲食。三日而亡。鄉里號爲女表。

屠氏女

屠氏女。諸暨人。居東海里。父失明。母痼疾。親戚相弃。女移父母遺跡紆舍。晝樵夜績。以供養。及父母卒。負土成。

墳鄉里欽其孝多欲娶之女以無兄弟普守墳墓終其身不嫁

隋 共三人

永樂郡君許母范氏

許母范氏者給事郎善心之母梁太子中舍人孝才之女也少寡養孤博學有高節唐祖知之勅尚食每獻時新常遣分賜嘗詔范入內侍皇后講讀封永樂郡君及善心遇禍范年九十有二臨喪不哭撫柩日能死國難我有兒矣因卧不食後十餘日亦終



杜氏二女

杜氏二女、天台之仙居人。大業中、家鬻湯餅、甫及笄而  
喪父母、姊妹共持門戶、不發先業。廬人乘間挑之、二女  
憤激、手刃廬人、去而之孟溪、隱焉。會溪溢溺死、唐天寶  
中、文士鍾離介、應試寓長安、夜夢二女子、歛衽前拜曰、  
吾家孟溪君、今中第、尹吾邑矣。乞以遺骸相託。後果如  
其言。入境、見二枯骸、置藤上、卽之道阻、斧藤、藤流血、斷  
石、石亦流血。及舉其骸、鈎連有聲、遂取以還。道遇樵父、  
告曰、此石、藤、石、稜二夫人鎮子骨也。語竟、忽不見。介嗟

異塑其骨祠之宋宣和中民避寇其間寇望山中草木  
皆兵不敢犯民因以獲生者多慶元中有司趙幼聞以  
聞賜廟額曰慈感

唐 共四人

### 太宗賢妃徐惠

賢妃徐惠湖州長城人生五月能言四歲通論語詩八  
歲自解屬文父孝德嘗使擬離騷爲小山篇曰仰幽岩  
而流盼撫桂枝以凝想將千齡兮此遇荃柯爲兮獨往  
孝德大驚知不可掩於是所論著遂盛傳太宗聞之召

爲才人手未嘗廢卷而辭致膽蔚又無淹思帝益禮顧  
遷克容貞觀末數調兵討定四夷稍稍治官室百姓勞  
怨惠上疏極諫且言東戍遼海西討崑丘士馬罷耗漕  
餽漂沒捐有盡之財趨無窮之壑國未獲之衆喪已成  
之軍故地廣者非常安之術也人勞者爲易亂之符也  
又言翠微玉華等宮雖因山藉水無築構之苦而工力  
和飢不謂無煩有道之君以逸逸人無道之君以樂樂  
身又言伎巧爲喪國斧斤珠玉爲蕩心醎毒侈麗纖美  
不可以不遏志驕於業奉體逸於時安其剗切精誦大

略如此帝善其言優賜之帝崩哀慕成疾不肯進藥曰  
帝遇我厚得先狗馬侍園寢吾志也復爲連珠詩以見  
意永徽元年卒年二十四贈賢妃陪葬昭陵惠之弟齊  
王太子堅皆以學聞自有傳女弟爲高宗婕妤亦有文  
恭世以擬漢班氏

### 盧氏女

盧氏女永嘉人居盧輿嘗與母出樵虎將噬其母急投  
身虎喙以代死後有人見女跨虎而行遂立祠祀之宋  
理宗賜號曰孝祐夫人

馮孝女

馮孝女錢唐人少孤不嫁以養母母病篤思肉因封股  
爲糜以進後母死號慟啞血既葬結草廬墓下日焚香  
蔬食刺臂血寫佛經仍捨宅爲寺以薦母長慶三年詔  
賜粟帛仍賜寺額日報恩

莫氏婦何

何氏於潛人莫氏之婦夫死盛年誓死不嫁養姑至孝  
黃巢亂羣盜嘯聚山谷隣里奔竄巷空無人何氏以姑  
羸疾因不可起惟抱姑弟泣賊至號慟丐賊曰吾教年

寡居以有姑耳。今姑老且病，不忍去。願代姑死。賊捨其姑，掠何氏去，將污之。植乃使懼何氏，跪請擗沐更衣。賊許，使人伺之。舉止自如。何者解，遂解襦自縊死。賊義而瘞之。

五代

共二人

吳越國太夫人吳氏

太夫人姓具氏，名漢月，錢唐人中直指揮使珣之女。幼以婉淑奉文穆王元瓘，而生倖。天性慈惠，節儉。居常布練而已。每聞王決重刑，常贖厥以仁恕爲言。外家每有

遷授皆峻阻之。及入見，多加訓勵。有過失，必面責之。故諸具終夫人之世，不甚驕恣。勅封吳越國順德太夫人，薨謚恭懿。

### 忠懿王妃孫氏

妃姓孫氏，名太真，錢塘人性端重而聰慧。每延接姻親，洎諸宗屬，皆盡恩禮。好學讀書，通毛詩魯論之義，尚儉約，非受參謁宴會，未嘗爲盛飾。俟之征毘陵也，孫居國城內，時時遣內侍撫問。諸將及從征將帥之家，外稟長如奉王青漢制，拜夫人。周勅封吳越國賢德夫人，宋建

封賢德順睦夫人後隨倣入覲勅封吳越國王妃

宋 共二十七人

倪夢應妻孟氏

倪夢應妻諸暨孟氏女夢應爲海門尉早世孟刻苦不  
嫁以冰霜自勵而訓子孫獨以仁厚餘果出糶必縮直  
十二三歲以爲常時以比栳斛夫人

李基妻張氏

張氏奉化李基之妻名妙靜慈谿人年十九歸基基先  
疾病張甫入門一顧而絕或謂伉儷未成盍反從父



張誓曰。入李氏門。卽李氏婦。遂守節終身。年八十四而卒。墓在江口。人稱爲女兒太婆墳。

莫子純母虞氏

莫子純母。餘姚虞氏女。幼習詩書。旣歸莫。則力任粗作。晝夜無所厭苦。而高筆雅韻。常在事外。夫死。焚券舍責。趣其子。子純就學。子純發解南宮。及廷試。俱第一。後子純連補外。夫人無愠容。常曰。吾憂吾兒不及古人。他復何覲。故子純卒。奉母教。以恬裕聞。

陳氏女

陳氏女永嘉人少孤不知父母墓所在誓不嫁結庵獨居賃紡績以自給每望山泣拜曰吾父母葬於此吾將終身焉

朱回女娥

朱娥上虞朱回女幼失怙恃鞠於祖媼里中惡少朱顏與媼競手刃欲殺媼娥方十歲號呼突前手挽顏衣曰寧殺我毋殺媼也媼得脫顏怒霜刃屢揮而手不釋遂斷其吭而死鄉人義之爲立祠熙寧十年會稽令董楷以配祀曾娥

凌大淵妻劉氏

劉氏於潛人許嫁同里進士凌大淵已請期而凌卒。聞之號慟告父母曰兒聞女子以一志爲良以死生不易爲節兒已許凌君固吾夫也兒將易服奔喪父母曰汝猶本。芽又未嘗身踐其庭何遽若此泣曰以身許人而背之乎有死而已父母從之於是衣粗麻赴夫家伏柩哭盡哀終喪乞夫兄之子以養爲之娶至於抱孫白首不易其志。寶祐間縣令呂洸聞而嘉之爲表其居曰烈女坊。

岑斌妻王氏

岑斌妻餘姚五氏女。早寡。或利其裝。欲強委禽。王曰。是賈禍也。盡散以周宗師。晚年子全登科。有司欲上其節。行於朝。王令全謝之曰。夫死守節。婦人之常。以此得名。非吾志也。有司高其識。竟已。卒年八十有二。

陳氏女

陳氏女永康人。及笄未嫁。宣和辛丑。遣官軍捕睦寇。所過抄掠。女被執。植白刃於前曰。從我則以汝爲婦。否則死。女無變色。掠髮伸頸。厲聲受刃。頭墮地。旋轉數周。血

逆流面如生而目怒視不瞑已而百鳥哀鳴浮雲晝暝  
白日無光狂風振木同事者愕然相顧頓首悔罪相與  
瘞之而去

劉安世母石氏

劉安世母新昌石亞之女安世除諫官以母老辭母曰  
諫臣當捐身報國汝但好爲子安得罪流竄無問遠近  
當從汝後果南遷石欲與俱安世百端懇免不聽徧歷  
惡地母子終無恙

夏孝女

夏孝女小字阿九黃岩人時年十五一日隨父與其隣  
樵於山父前與虎遇隣人懼亟升木避之女見父陷虎  
口噉號直前執薪鞭虎且鞭且泣踰數十步虎奔其父  
而啖之

### 曹小娥

曹小娥黃岩人其母范及隣居二十人採筍陸婆坑范  
爲虎所得衆悉驚潰娥執母手推虎而叫范知不免脅  
脅然命之去娥叫執愈疾亟行數百步虎掉尾拂娥躍  
坐熱視娥以身翼母推之下山尚喘息會救者至以布

衾裹母歸。母死而尸得完。里人弔之。娥不能言。徐曰：黃虎也。吾不得代吾母死也。

章俱妻應氏

姒周氏附

應氏章俱妻。及其姒周氏相惟如同產。宣和間。方臘作亂。所過殺掠。咸望風走避。應病足。與十歲兒居。周歛歛不忍捨去。應曰：妾以足致死命耳。姒何不亟避禍。周曰：生死共之。何避焉。未幾賊至。肆威迫怵。周扶應氏相與罵賊而死。方殺應時。兒泣謂賊曰：殺我母。殺二母。賊怒并刃之。

史簡妻葉氏

葉氏慈谿人歸鄞之史簡簡爲縣從事尉受縣杖平民簡憫之尉大怒杖簡歸數日死葉時年二十五四壁蕭然惟弱子幼女未幾子亦喪日夜抱幼女悲泣曰天乎天乎夫何使我至於此極耶夫死時方娠喟曰若生女當嫁果男也幸謹視之葉氏泣受遺言後果得子於是毅然自守隣保咸謂曰汝家若是穉中兒寧可恃耶葉氏誓死不聽子旣長俾從師讀書晚歲生產頗饒益積儉約有養孤女數人各令有歸壽八十六而卒嘗訓其



子曰讀書以行已爲先。搦筆作文辭務得聖賢本旨。故其子愈自刻厲爲端士。舉八行不就。後孫魯三世爲宰輔。葉氏凡十八封。至冀國夫人。

章瓊妻盛氏 似潘氏附

盛氏。昌化人。同邑章瓊婦也。姑何氏性急而嚴。盛伺顏色。怡聲氣。終日侍立。無惰容。姑病。齋簪珥以供醫藥。甘旨費。姑病劇。乃閉閣。剜脅取肝爲常膳。以進。姒潘氏化其孝。亦割股焉。政和六年。權知州事。轉運使劉旣濟上其事。詔旌其門。

石公岩女

石公岩女。新昌人。宣和中。方臘寇縣。女被執。紿曰。願容粉澤。賊聽之。卽取剃刀自剄死。

杜氏女

杜氏女。金華人。年二十。擇配未嫁。宣和間。里有悍賊。乘方臘亂而起者。誦杜門大言曰。以女遺我。否則族汝矣。舉家驚泣失措。因密諭其女。女卽應之曰。無恐。捨一女。寬一家。曷爲不可。少頃。我浴更衣以出。趣浴具告賊。賊相譱笑以俟。女浴畢。照鏡。粉面盛飾。登几而立。縈帛於

溲就繼以死母呼不應卽發戶視之死矣惶遽號呼屋  
瓦皆鳴賊聞驚駭相視捨去

### 王木叔妻何氏

何氏永嘉人初適王木叔家事旁落甘淡泊以勤約起  
家遇木叔之賓友至必竭力營辦酒炙以供談笑遇貧  
士必分庾釜以賑之故木叔獲交諸名士一日語木叔  
曰子爲官人當不餓死無奈季弟及羣妹何我橐中尚  
有餘貲久蓄矣蓋木叔歎曰此吾素志顧未欲言耳且  
日盡散給弟妹無餘者木叔旣登仕籍復語木叔曰子

將改官。信不饒。與子季南因。勸星何。以自振。先公有田。若干畝。曷悉畀之。木叔曰。此尤吾志也。遂與之王綽。爲傳其事。

### 陳氏長女

陳氏長女。緡雲人。宣和辛丑。官軍所過。恣行俘掠。二女並爲所執。植刃惕之曰。從我則生。不從則死。長女不爲動。延頸請受刃。官軍砍之。次女竟受汚。後有問之者曰。若獨不爲婦所爲乎。次女慘然。連言曰。難。難。難。聞者笑之。永康陳亮曰。世之喜斥人者曰。兒女態。若陳氏長女。

之態亦兒女乎

姜綬妻陳氏

姜綬妻陳氏，麗水人。綬死於靖康之難，時年二十三。家貧，父母欲奪志。陳氏引刀斷髮，誓不再嫁。人以為忠臣節婦，萃於一門。

柳氏二節婦

柳氏二節婦者，上虞柳宗遠妻唐氏及其子桂之婦陳氏也。初唐氏年二十三，歸宗遠。事姑盡孝。越二年生子桂，而宗遠卒。人以唐氏年歲難寡居，以語試之。唐曰：吾

難

難

難

先

喪夫命也。婦一。焦義也。命乃天賦。義出自心。吾縱不。畏。天能昧吾心。而負義乎。且吾姑老子幼。吾去此。將何倚。以爲命。邪。益苦心。瘁力。營粟帛。以養姑。命桂學詩書於鄉先生。姑年八十餘。乃終。所以喪葬之者。無不如禮。桂長爲娶陳氏爲婦。陳歸。桂逾年而桂亦卒。陳年二十四。或問其無子。勸使更適。陳哭曰。此豈人所言乎。吾姑不負吾舅。吾敢負吾夫乎。吾寧卽死柳氏牖下。不願聞此語也。乃去膏沐屏華靡。與其姑相依以居。姑食然後食。姑寢然後寢。家內外事必告而後行。姑婦孝愛如母子。

歲時具酒餚祭柳氏亡人二婦執然拜階下輒涕泣不能相視人稱爲雙節婦云

楊由義母諱氏

諱氏塩官楊由義母也父奉直爲軍前正將胡寇攻京師挈家從駕南渡留杭州遷安撫司將官未幾虜復寇杭奉直捍禦於外由義時年十七獨將母諱氏携幼妹避走塩官虜騎踵至諱氏乃泣語由義汝父必死國吾當死夫遂携女沉於運河

薛震惠妻尹氏

尹氏，麗水人，同邑薛震惠妻。夫亡時年二十三。有舅、  
四人皆幼家貧，賣簪珥治喪，守服姑憐其志。一日語曰：  
「吾家素單薄，汝不幸早寡，吾守爾孤，爾其再適。」尹泣曰：  
「一身更二夫，寧死不忍也。」遂慟哭幾絕。自後姑不復言，  
養姑愈謹。姑終喪，葬盡禮，撫育子女各成立。鄉人表其  
事，郡守旌之曰：「貞節錄事葉現爲之贊曰：『易繇從一，詩  
誓靡他。』」執紼未亡，傷如之何！兒齒未齒，姑髮已皤，含辛  
茹荼，行道涕沱，百年冰霜一節，金石貞標。上聞有責其  
室爲善必報，惠迪斯言，戕戕高岡，過者其式。



徐師顏二女

徐氏二女建德人長曰清次日淳年及笄元兵寇嚴父  
師顏携之避於薛山失道出而兵奄至清謂淳曰吾家  
世清白寧死不受汚辱遂相牽投崖而死鄉人爲之立  
祠翰林學士程鉅夫賦詩表之

呂瓊妻石氏

石氏新昌人爲國邑呂瓊妻瓊逃元難溺死錢塘江  
通歸寧妻夫告之故且云側室具今育男六指盡歸  
石氏竊而駭愕使走歸則側室生男矣果六指也既

事且泣已乃得夫凶問。連哀泣撫遺夢與具偕守。

### 王貞婦

王貞婦臨海人也。德祐二年元兵入寇。婦舅姑與夫俱被執以死。主將見婦美。欲納之。婦號慟欲自殺。不得。乃陽謂之曰。若以吾爲妻妾者。欲令終身善事主君也。吾舅姑與夫死。而我不爲。衰是不天也。不天之人將焉用之。願請爲服。若則惟命是從。不然我終死。爾主將恐其誠死。許之。服明年。師還。挈行至味青楓嶺。下臨絕壑。防者少懈。婦卽嚙指血題詩崖上。南望慟哭。自投崖下。蓋

死後其血漬入石中。天陰雨即墳起如始。書時元至治中。旌曰貞婦。立石廟祀之。更名其嶺曰清風嶺。

元一 共五十四人

### 孟之縉妻趙氏

趙氏歸安人。名妙惠。尚書孟之縉妻。縉卒後。以補蔭事。携子淳至京。有近臣悅其色。請於世祖。欲委禽焉。使者傳旨到門。趙曰。妾寡婦。請於簾內受旨。既而出。見使者。則難髮毀容矣。使者大驚。上其事。乃已。

### 女奴朵那

朵那者杭郡東城傭兀氏之女奴也。年十九。勤敏謹愿。主卒官他郡。奉主婦日謹。主婦亦委以腹心。至正壬辰秋七月。寇陷杭。劫官民府庫。至傭兀氏家。無所得。乃反。接主婦柱下。以刃礪頸上。諸婢皆散走。朵那獨以身蔽主婦。請代死。且告曰。將軍所利者財。豈利殺人哉。家之寶貨皆我主藏。主母固弗知。若免主母。我當悉與將軍。寇喜。卽解主婦縛。乃探金銀珠玉幣帛等物置堂上。寇爭取之。又欲犯朵那身。朵那持刀欲自屠。曰。我主二千石。我誓不奴他姓主。况汝賊乎。寇驚異。捨而去。朵那泣。

拜主婦曰。弃主貨。全主命。權也。妾受命主。銷失貨而全身。非義也。請從此死。乃自殺。

樂孫壽妻劉氏

劉氏字淑靜。鄞人。年二十六。歸定海樂壽孫。三年。壽孫渡江溺死。同溺者多。不得屍。劉氏生男甫周歲。抱之沿流。上下仰天哭。而求屍不絕聲者三日夜。屍忽自浮得。收葬焉。舅姑已先沒。劉時年二十九。獨撫遺孤。勤苦守志。克成家業。有司奏旌其門。

姚氏

姚氏餘杭人居山谷間夫出刈麥姚居家執爨母何氏  
往汲澗水久而不返俄聞覆水聲亟出視之則虎啣其  
母姚倉卒往逐卽以手毆虎踰隣人因執器械以從虎  
乃置之而去姚負母歸求藥療之得不死

邵氏婦沈氏

沈氏德清人少而明艷嫁爲邵氏婦至正十六年兵亂  
爲張萬戶所獲逼之不從乃閉之舟中夜四鼓守者稍  
懈陰取食箸納之口中而舟木觸喉而死

畏吾氏三女

畏吾氏三女夷種也。家於錢塘。諸兄遠仕。不歸。母思之疾。三女欲慰母意。乃共斷髮。誓終身不嫁。以養母。同力侍護四十餘年。皆以壽終。

周璵妻朱氏

周繼貞附

周璵妻朱氏。名玉蓮。崇德人。歸璵。妊七月。璵亡。玉蓮時年二十。無異志。明年生男。舅姑又相繼死。身舉三喪。撫育遺孤。孑孑寡居。至親亦罕。覩其面已。而夫妹嫁爲同邑。費遜妻。歸一月而遜死。周氏年十九。喪葬禮畢。乃歸與玉蓮同居。自名曰繼貞。更相爲命。誓死無他。里豪某

友文慕繼貞，隨其族周安謀娶之，不可得。友文乃與大黠朱勝謀，勝曰：「我爲証。」遂訟於有司。有司一訊得其情，坐友文而褒繼貞。繼貞卒，得與王蓮同完其節。

杜思綱妻陶氏

妹宗婉弟婦王淑附

陶氏名宗媛，臨海人。儒士杜思綱妻也。歸綱四載而綱亡。矢志守節。時台被兵，宗媛方居姑喪，忍死護柩，爲游兵所執，迫脅之。宗媛曰：「我若畏死，豈留此耶？」任汝殺我，以從姑於地下。爾遂遇害。其妹宗婉，弟婦王淑，亦皆赴水死。



李如忠妻馮氏

馮氏名淑安，字靜君，山陰人。其夫李如忠，東平人也。仕爲武寧尹，僑居越城。初娶探馬赤氏，生子任。後娶淑安，生子仕。仕至大二年，如忠卒。淑安年甫二十七，長子任乃率探馬赤氏之黨來，罄其家貲去。淑安竟無淪志，有強之者，輒毀面流血。因椎厝如忠於戢山下，廬墓哭泣。隣里不忍聞，居越十六年。至二孤有立，始奉柩歸葬，留仕奉祀東平，携仗還越，白首無議。

陳紹庭妻汪氏

汪氏名本奇奉化人生而聰慧年二十六歸陳紹庭越四載夫亡無子夫未終語本奇曰汝伯奴方娠得子當以嗣我已而果生子鑄本奇子之慈愛卽已出母族憐其貧欲奪其志本奇泣曰禮云一與之醮終身不改清苦固其常耳如復相強有死而已乃穿窬夫墓以示死必同穴孝舅姑供祭祀遇夫諱日必哽咽流涕撫其子讀書成人年六十九卒有司上其事而旌之

陳自中女嫻

陳嫻宋行軍司馬自中女元司徒萍姊也宋亡時嫻及

兄弟與母楊夫人相失後萍貴尋訪其母不獲不御酒肉者二十年。嫠在家孝思尤切。斷髮誓不嫁。然指爲香以禱。十指僅存其四。既而傳聞母在順州某家。萍以金幣名馬請。勿得。乃聞於朝。爲降旨。賜與金幣文錦甚厚。迎母以歸。嫠與兄芹適自南來。遂奉還蘭。給服勤奉養。終身爲比丘尼。

### 郭氏

郭氏天台人。千夫長李某。戌天台日。其夫爲步卒。李見郭心慕焉。乃分遣卒他戍。日至其家調之。郭毅然莫犯。

卒還具以告。一日李過卒門邀入持刀將殺之。李脫走  
訴於縣。縣坐卒死罪。郭躬饋食。久之。府檄調黃岩州。侯  
掾葉姓者。尤有意於郭。乃結恩於卒。卒感激入骨髓。忽  
報五府官將決囚。葉謂卒曰。汝或可活。我與汝爲義兄  
弟。萬一不保。汝之妻年少。而子女俱幼。無託。我尚未娶。  
寧肯俾爲我室乎。卒許諾。遂以語郭。郭泣曰。汝之死。以  
我之色也。我又忍他適以求生乎。因走出至仙人渡溪  
水中。危坐而死。溪流湍悍。略無傾側。見者驚異。失色。具  
棺歛葬之。其夫竟得免。事聞。詔旌表其墓。曰貞烈郭氏。

之墓

洪氏

洪氏黃岩人適南塘戴某未至而聞戴死兄弟送者皆勸之還洪慟哭曰吾已爲戴氏婦矣可復他乎遂往殯其夫夫先有一妾遺腹生男洪撫教之卒與戴氏云

徐允讓妻潘氏

潘氏名妙圓山陰人爲同邑徐允讓妻至正十九年與夫奉其舅安避兵山谷間遇寇斫安讓呼曰寧殺我寇舍安殺讓將辱潘潘紿曰若能焚吾夫則從汝無憾矣

寇聚薪焚其夫火方烈潘赴火死

丁烈婦王氏

丁烈婦王氏黃岩人盜起海上燒劫居民王氏爲賊所得欲掠而東倉皇請於賊曰我幼子在抱且母家甚邇幸還其父卽從爾去賊信之如所請王氏望兒入門卽投江以死

張正蒙妻韓氏

女池奴越奴附

張正蒙妻山陰韓姓女正蒙爲德清稅務提領母喪廬墓南池至正中、大兵至正蒙謂韓曰吾爲國臣於義當

死。韓曰：君果死忠，吾亦死節，遂俱縊。女池奴年十七日，父母既死，吾何獨生？投崖死。次女越奴，晝匿山中，夜守屍傍，尋餓死。趙經歷率衆瘞之。

張穀寶妻祝氏

祝氏名清，鄞人。生有淑德。年二十三，歸張穀寶。時夫已疾革，僅扶持成禮。期月而卒。初，穀寶娶傅氏，無子，納二妾。長馬生子遂孫，次李，生子康孫。李性悍妬，待傅氏無禮，日攻其短。傅氏以憤懣卒。及清至，李假主父遺命，立已爲嫡，俾清爲媵。凡貲產悉據有之。清善遇馬氏，鞠育。

其子如已出久之李復構族氏誘之曰汝名雖嫁實賊女也年少日長如孤苦何清正色曰吾既廟見豈不爲張氏婦乎吾不幸命也惟安吾命而已何暇知他事乎誘者遂止清苦自勵育其子遂孫長娶而生子子復生子及孫凡三世而清尚無恙壽八十五卒

湯燁妻張氏

湯燁妻張氏龍泉人時因兵亂其家財先已移入山岩夫與姑共守之舅以疾未行張歸侍藥膳聞賊至卽命與載其舅而已遇賊賊以刃脅之曰從我則爲婦不從



則爲鬼。張掠髮。整衣請受刃。賊未忍殺。張懼汚。卽奪其刃。自刺死。其年二十七。

馬氏女淑

馬氏女名淑。東陽人。將嫁。而夫死。乃望夫家。拜哭而制服。以終喪。未幾姑死。亦如之。父母憐其少。將更字焉。淑泣曰。旣許爲人婦矣。安可再適乎。乃以死自誓。竟以室女終於家。

葉伯現妻王氏 葉媛新蔡附

葉伯現妻王氏。麗水人。時甌閩盜起。與其夫之女兄葉

氏避兵白岩岩時岩破抄掠者衆王度不能自免遂自經死葉亦投崖死葉之勝新蔡亦隨之死時人稱爲雙節葉名媛景寧潘雍妻也

楊伯遠妻王氏

楊伯遠妻蕭山王氏女也至正間江水爲患伯遠爲里正築堰不就日受責王氏痛之割股投於水沙漲堰成因名曰股堰

湯綺

湯綺龍泉人有姿容賊殺其父母以刃脅之綺不勝悲

咽以頭觸刃。賊怒，所殺之。其妹亦不受辱而死。

王文榮妻張氏

王文榮妻，餘姚張氏女，名妙真，性至孝。其姑老且死，祝曰：「新婦事我孝，我無以報。願新婦如我壽，且後多賢以新婦之孝我者。」孝新婦，後生嘉間兄弟五人，皆有才望。初以高年耆德被殊旌，後嘉間貴，復封太原郡君，壽百有四歲。曾玄孫幾百人，無不孝事張者，一如其姑之視。

周婦毛氏

周婦姓毛氏，松陽人，美姿色。至正間，隨夫避亂麻鷺山。

中爲賊所得脅之曰從我多與若金否則殺汝毛曰寧  
剖我心不願汝金賊以刀磨其身毛氏因大誓曰碎身  
賊汝死則臭我死則香賊怒剗其腸而去

韓孚妻黃氏

韓孚妻餘姚黃氏女名妙樵歸孚五月而寡以饋子貢  
爲後至正初上塘千戶曳刺知其殊色使媒者以樵貴  
動之妙樵叱之曰千戶受朝命衛民者乃欲奪寡婦志  
邪曳刺不敢復強旣而方國珍有驍將葉某者復欲脅  
娶之妙樵搃刃割檻曰敢越此戶議婚者吾以頸血濺

之葉將懼而止

周如砥女

周如砥女。越州人。年十九。未適人。時鄉民作亂。如砥與女避於新昌西客僧嶺。女被執。賊曰。吾未娶。當以汝爲妻。女曰。我良家女也。死卽死耳。豈能從賊邪。賊怒。遂殺之而去。

傅賀妻陳氏

傅賀妻陳氏。東陽人。年二十四。夫亡。無子。家無餘畜。力作以養姑。甘旨亦備。居三年而姑又死。及服闋。母家欲

嫁之陳曰我寧凍餓死不敢從命時舅姑與夫三喪未  
舉乃銖積寸累備歷辛勤三年而得襄事以夫兄子爲  
嗣每遣受學歸則督之令習耕稼母儀肅然嚴而有法  
吳履妻謝氏

謝氏名芾金華人年十六適蘭谿吳履時睦州被兵城  
破遊騎及境芾謂履曰患將及矣盍買舟東下不然禍  
及决不污以辱君也履曰我在且勿恐至是聞亂履出  
郭南芾申前言祝令早歸越四日而履不返潰卒奔走  
殊衆芾謂履曰事急矣雞再鳴暴少粮往山東腰負小

兒以從蕭挈幼女行且泣曰汝父不復見矣吾與汝死耳。逕入山中度不得免。顧謂媵曰汝善護吾兒吾於此死矣。力疾捫蘿而上立岩險絕處抱女投崖下以死死。三日履歸求其尸得之母子相向貌如生。

### 黃福妻蕭氏

黃福妻蕭氏名轉永嘉人年十九而夫亡未有子鄉有巨室少年慕蕭姿色願爲黃氏義子以求配蕭舅姑以暮景無依許之蕭力爭弗能止舅姑遂自受聘蕭度不免因請葬其夫畢設席會賓將成婚蕭盛飾入房。扁戶。

以帛懸床屏間自縊死。

趙宜震妻郭氏

趙宜震妻郭氏名靚。元諸暨人。元季之亂。夫婦伏莽蒼中。數年始歸。而宜震死。郭年少。苦節。遺孤從師。以練布爲贄。師辭之。乃令孤致詞曰。非此無以成弟子禮。苟憐死者。而及其孤。則請勿辭。後疾革。呼其孤曰。爾旣有成。我以得死爲幸。遂瞑。

陳孝女

陳孝女錢芳人。父業儒。嘗受勇爵。漫遊江淮間。居胭脂



嶺下家事粗給。元統乙亥兵火。挈家避永嘉山中。悉爲盜所掠。僅留一女。十歲。携之丐食以歸。故居蕩不復存。因寄五里塘舊僕家。聞殊勝寺設粥供。日携女子就寺丐食。凡數月。僧扣所以。頗憐之。俾留衆僚。供榜疏職。時孫元帥下李知事者。東平人。頗知書。亦寓寺傍。暇日至寺。必從容與僧談。欲謀一士爲友。僧以陳爲薦。一見投合。如久要。館穀殊厚。女亦得其家。惟心居數月。當丁丑仲春。女忽謂其父曰。吾母墓在故居側。數年不至矣。聞主人禁烟。將爲湖山游。能乘此機。一往拜掃否。父以告。

李欣然與居。既至墓所，拜奠罷。李偕携酒飲傍舍。女悲泣不已。父勉之還，則泣告曰：「比聞李氏今將北歸，吾父子必將從之。父老子幼，南北萬里，何日得再至吾母墓下？此所以痛也。」言與淚俱下。父亦感痛，而女擗踊呼號，聲振林木。久而仆地視之，死矣。李義之出資具棺，歛而附於母冢之旁。

### 高義婦

高義婦，餘姚燭湖人。初許張氏子，已而張病瞽，云聽改卜。父母將諾之，婦涕泣曰：「男女適名，禍福無改命之所。」

道義無離異。今夫不幸替。我遂弃之。而彼卒以替受凍餒。我何面目立人世邪。父母悟。卒歸張養夫。以終老。鄉閭高其行。號曰義婦。

陳彥道妻胡氏

胡氏名正平。東陽人。年十九。適陳彥道。三年生一子。而彥道卒。卽屏脂澤。惡衣垢服。人不能堪。而胡獨安之。夫族有諷以再嫁者。胡向姑泣曰。妾何敢爾也。夫亡。婦稱未亡人。籍令無子。亦辦作陳氏鬼。況有子乎。使妾之足一移。不獨妾大流弗若。老姑幼子將仰之誰。欲吾他適。

奪吾田耳。田與節孰重輕。卽弃田以畀夫族。而惟務力。績以爲俯仰之資。事姑盡禮。族黨稱之。

吳璟妻林氏

吳璟妻林氏。瑞安人。名蕪。事舅姑。得婦道。年二十二。夫亡。遺腹生子。曰荃。荃生一月。而舅繼死。姑婦相依爲命。時寇盜蜂起。族人有聚兵保障鄉土者。利其多貲。欲奪其志。蕪剪髮長號曰。烈婦不更二夫。吾但知不負吾夫。保吾孤爾。其人知蕪不可奪。謀勒兵強委禽焉。蕪懼。謂姑曰。事急矣。不行。必及禍。遂挾姑與子俱逃。昆陽卒能。

全節與姑皆以壽終。學士宋漁銘其墓曰：卓哉二婦，貞德弗渝。同扼猛虎，以保孤兒。卒紹三世，免墜一絲。誰家鬼妻，斬麻爲衰。夫骨未寒，背而他之。君子疾視，何異蠱蛆。有人心者，請觀銘詩。

楊敏妻齊氏

齊氏名妙觀，諸暨楊敏妻也。年十八，敏卒，一子甫周歲。舅姑欲奪其志，齊斷髮破面，抱其孤向舅姑，哭曰：我爲死者守孤，忍令此孤之無歸乎？舅姑怒，令自食。齊居斗室，晝夜紡績，以資養。舅姑卒，托老婢經理其家，閉門不

出開一竇以通飲食如是者二十年年六十七而卒

楊戴至妻黃氏

黃氏字集義黃岩人性端重警悟通內則孝經論語歸  
同里楊戴至既歸而舅姑皆沒時大舅在大耋之年娶  
下甚嚴黃事之益謹定省無違禮日躬調飲膳隨所思  
以進或思異味雖遠百里必力致之如是者十載如一  
日大舅喜曰吾家新婦能善事我真孝婦也由是鄉里  
皆稱爲楊孝婦

徐伯龍妻夏氏

夏氏名淑榮青田人爲徐伯龍妻至正間夫死於賊夏年二十一事姑撫子乳乳子立賊黨有宋茂四者欲強娶之夏聞歎曰吾夫爲彼所殺尚未之報今反脅我耶有死而已遂引刀斷髻擲地曰吾頭可斷吾身不可辱復來吾當斷頭與之賊不敢犯自是絕葷毀容間亂世者三十餘年節操益堅壽六十卒劉伯溫爲之傳

### 祝氏婦胡妙端

胡妙端，涿人，爲祝氏婦。至正二十年，苗獠擄之去。至金華，乘間瞞指題詩石壁，赴水死。

童老安人周氏

周氏遂昌周滿女。許爲蘓仲善繼室。未婚而仲善死。滿欲別嫁之。遂衰麻哭至夫家。事姑撫育前子。家日落而搯益堅。鄉里以童老安人稱之。謂其尙室女也。年七十七餘歲而終。

翁氏姊

弟忠附

翁氏姊者錢塘人也。年四十不嫁。至正間寇陷錢塘。與弟忠一家四人誓結袂死於河。姊曰河之死者穢矣。吾獨尋乾淨水死。忠等赴河。姊赴城陰古井死焉。楊應夫



附之以詩

金彥敬母梅氏

金彥敬母梅氏黃岩人彥敬方四歲而父喪梅氏不忍夫亡遂裂其吭以死郭元亮有詩云烈婦處其變感激蹈勇決引刀裂其吭悲風酒腥血孤兒弃勿顧殺氣凌水霜天仍憐其孤不使宗祀絕其子孫居太平之小溪

葉杭妻王氏

葉杭妻王氏名妙泳遂昌人元末山寇作亂劫其夫將乃之妙泳曰夫死必將汚我急携二子屬之於姑先自

刑杖擊亦被殺郡縣上其事。雖之。

俞溥妻童氏

俞溥妻童氏淳安人。溥少孤。母性嚴急。童克承夫志。以孝其姑。至正十三年。紅巾由徽而下。據淳安之威平。二月。官軍克之。將士貪暴無紀。剽掠四出。先是居人悉竄村東南山下。夜復宿人家。未旦。則爭竄以避。溥貧。無人力。自隨。故鬻獨後。人食乃得食。又病足。不能遽起。家人方治裝爲就途計。遇遊卒十數人。執挺刃猝至。童以身翼衛其姑。姑遂與溥得逸去。而童被執。衆欲逼污之。童

此日我避賊在此日夜望官軍來救爾輩乃爲賊所爲  
耶因大罵不屈衆怒以刀擊其左股愈不屈斷其右股  
終不屈則皮其面而去薄匍匐往救不及明日乃死翰  
林徐尊生爲之傳

### 盲處女

盲處女名雪字玉英錢塘人年十三善鼓琴十五工詞  
翰母歿力窮葬其母年五十不嫁常自誓曰死作處女  
冢至正間錢塘喪亂處女閉戶三日餓而死楊廉夫吊  
之以詩曰盲處女白雪霏母惜白雪霏抱玉真珠擊十

三善理渠不作濃上聲十五弄影管不作花草情叮嚀  
媒與約必嫁與公卿英英馬上郎貂帽繡衣裳官家握  
處女願作處女郎昨日交處女幣今日催處女粧貯以  
黃金屋薦以白玉床大珠連理帶七寶合歡囊大珠五  
十萬七寶百萬強黃羊尾如扇文雞若鳳皇置酒結高  
宴長跪起行觴處女誓慈母有死不下堂慈母莫斂志  
絞節如秋霜嗟嗟曹處女處女節獨苦事母終母喪母  
墳成負土白髮五十秋五十終處女誓作處女墳南山  
華表柱荒城兵火交三日不開戶生作獨月娥死作黔

婁女我作處女辭用激賊中三嫁婦

趙良朝女

趙氏名清平陽趙良朝女年二十未嫁至正二十二年  
山寇入州郭清爲所驅迫度不可免因詒賊曰吾欲如  
廁取吾所藏物以遺汝賊信之清遂投廁而死

楊進佳妻劉氏

楊進佳妻劉氏松陽人年二十七夫死無子其母憫  
孤特欲奪其志不從隨引刀自刎家人救之得不死因  
以血衣寄母示無他志壽八十四終

二十五終